



დასუფთავების და სანიტარული მომსახურების

სახელმწიფო შესყიდვის გამარტივებული ელექტრონული ტენდერის

სატენდერო დოკუმენტაცია

CPV90900000

თბილისი
2016 წელი

2. ტექნიკური დოკუმენტაცია

2.1 როგორც იურიდიული ასევე ფიზიკური პირებისთვის წარმოსადგენია:

2.1.1. პრეტენდენტმა უნდა წარმოადგინოს რეკვიზიტები, სატენდერო წინადადების ფასი, სატენდერო წინადადების მოქმედების ვადა – **დანართი №2-ის** მიხედვით.

2.1.2. პრეტენდენტმა უნდა წარმოადგინოს **ინფორმაცია ანალოგიური მომსახურების შესრულების არანაკლებ ერთწლიანი გამოცდილების** შესახებ, რაც უნდა დასტურდებოდეს წარმოდგენილი ხელშეკრულებებით და მიღება-ჩაბარების აქტებით.

2.1.3. **ინფორმაცია დღგ-ს გადამხდელობის შესახებ.**

2.1.4. პრეტენდენტის მიერ წარმოსადგენი 2.1.1., 2.1.2., და 2.1.3. პუნქტით გათვალისწინებული მონაცემები ელექტრონულ სისტემაში უნდა აიტვირთოს ტექნიკურ დოკუმენტაციასთან ერთად.

2.2 შესყიდვის ობიექტი, ობიექტის მიწოდების პირობები და ვადები:

2.2.1. შესყიდვის ობიექტია: **დასუფთავებისა და სანიტარული მომსახურების შესყიდვა** – შემდგომში მომსახურება.

2.2.2. გასაწევი მომსახურების ჩამონათვალი და დეტალური აღწერა იხილეთ შესყიდვის ობიექტის ტექნიკურ დავალებში.

2.2.3. მომსახურების მიწოდება განხორციელდება: ხელშეკრულების გაფორმებიდან 2017 წლის განმავლობაში, 2017 წლის 31 დეკემბრის ჩათვლით.

2.2.4. შესყიდვის ობიექტის მიწოდების ადგილია:

- **ქ.თბილისი, გ. გულუას ქ№4**, სსიპ საქრთველოს ფინანსთა სამინისტროს მომსახურების სააგენტოს ადმინისტრაციული შენობაში (ადმინისტრაციული შენობა 2 სართული და სარდაფი, სულ 1022კვ.მ) - მინიმუმ ორი დამლაგებელი;

- **ქ.თბილისი** მუხიანის დასახლება, სსიპ საქრთველოს ფინანსთა სამინისტროს მომსახურების სააგენტო სასაწყობო მეურნეობის #2 ბაზაში (ადმინისტრაციული შენობა 2 სართული – 435კვ.მ; მუხიანის მიმდებარე საწყობი - 326 კვ.მ, სავაჭრო ობიექტი – 84 კვ.მ; ეზო – 1354,05კვ.მ) - მინიმუმ ორი დამლაგებელი;

- **ქ. ახალციხე 9** აპრილის ქუჩის მიმდებარე ტერიტორია, სსიპ საქრთველოს ფინანსთა სამინისტროს მომსახურების სააგენტოს ობიექტში (ადმინისტრაციული შენობა–88,92 კვ.მ; სავაჭრო ობიექტი –48კვ.მ) - მინიმუმ ერთი დამლაგებელი;

- **ქ. სამტრედია დ. აღმაშენებლის გამზირი მე-6 ჩიხი**, სსიპ საქრთველოს ფინანსთა სამინისტროს მომსახურების სააგენტოს ობიექტში (ადმინისტრაციული შენობა მათ შორის სავაჭრო ობიექტი – სულ 182,05კვ.მ) - მინიმუმ ერთი დამლაგებელი.

2.3 შესყიდვის ობიექტის ტექნიკური დავალება:

2.3.1. **დასუფთავებისა და სანიტარული მომსახურების გაწევა მათ შორის სადეზინფექციო მომსახურება უნდა განხორციელდეს:**

- ქ.თბილისი, გ. გულუას ქ№4, სსიპ ფინანსთა სამინისტროს მომსახურების სააგენტოს ადმინისტრაციული შენობაში (ადმინისტრაციული შენობა 2 სართული და სარდაფი, სულ 1022კვ.მ) - მინიმუმ ორი დამლაგებლის მიერ;
- ქ.თბილისი მუხიანის დასახლება, სსიპ საქრთველოს ფინანსთა სამინისტროს მომსახურების სააგენტო სასაწყობო მეურნეობის #2 ბაზაში (ადმინისტრაციული შენობა 2 სართული – 435კვ.მ; მუხიანის მიმდებარე საწყობი - 326 კვ.მ, სავაჭრო ობიექტი – 84 კვ.მ; ეზო – 1354,05კვ.მ) - მინიმუმ ორი დამლაგებელი;
- ქ. ახალციხე 9 აპრილის ქუჩის მიმდებარე ტერიტორიაზე მდებარე სსიპ საქრთველოს ფინანსთა სამინისტროს მომსახურების სააგენტოს ობიექტში (ადმინისტრაციული შენობა–88,92 კვ.მ; სავაჭრო ობიექტი –48კვ.მ) მინიმუმ ერთი დამლაგებლის მიერ;
- ქ. სამტრედია დ. აღმაშენებლის გამზირი მე-6 ჩიხი სსიპ საქრთველოს ფინანსთა სამინისტროს მომსახურების სააგენტოს ობიექტში (ადმინისტრაციული შენობა მათ შორის სავაჭრო ობიექტი – სულ 182,05კვ.მ) - მინიმუმ ერთი დამლაგებლის მიერ;

მიმწოდებელმა უნდა უზრუნველყოს:

- ა) მომსახურე პერსონალის მაღალი ხარისხის ინვენტარით და სახარჯი მასალით სრულყოფილი მომარაგება.
 - ბ) შენობაში, სათავსოებში სანიტარულ-ჰიგიენური (დეზინფექციის ჩათვლით) და ხანძარსაწინააღმდეგო ნორმების დაცვა, შენობის და მიმდებარე ტერიტორიის ყოველდღიური დასუფთავება (ოთახების, ფანჯრების ორმხრივი, კარ-ფანჯრის ჩარჩოების, ფარდაგების, კიბის უჯრედის, სარდაფის, იატაკის, სველი წერტილების რეცხვა-წმენდა, შესაბამისად გენერალური დასუფთავება) და ნაგვის გატანა. სველი წერტილების სანიტარულ-ჰიგიენური ნორმების დაცვა, მათ შორის ყოველდღიურად მათი აღჭურვა საჭიროებისამებრ მაღალი ხარისხის ტუალეტის ქაღალდით, ხელის საწმენდი ქაღალდით, თხევადი საპონით, ჰაერის გამწმენდი აეროზოლებით.
 - გ) თვეში ერთხელ ქ. თბილისში გ. გულუას ქ #4-ში მდებარე ადმინისტრაციული შენობის გარე და შიდა შემინვის (380კვ.მ) გაწმენდა.
 - დ) მომსახურების გაწევა მორიგე დამლაგებლების მიერ ყოველდღიურად (შაბათ-კვირის გარდა) დილის 9 საათიდან საღამოს 18 საათამდე.
 - ე) დროული და ხარისხიანი მომსახურება.
- მიმწოდებელს უნდა გააჩნდეს მომსახურების განხორციელებისთვის აუცილებელი ტექნიკური შესაძლებლობები (პერსონალი, ინფრასტრუქტურა).

მომსახურების გაწევის ადგილი:

- ქ.თბილისი, გ. გულუას ქ№4, სსიპ საქართველოს ფინანსთა სამინისტროს მომსახურების სააგენტოს ადმინისტრაციული შენობა;
- ქ.თბილისი მუხიანის დასახლება, სსიპ ფინანსთა სამინისტროს მომსახურების სააგენტოს სასაწყობე მეურნეობა ბაზა#2 (მ.შ: ადმინისტრაციული შენობა, მაღაზია, მიმდებარე ტერიტორია);
- ქ.ახალციხე 9 აპრილის ქუჩის მიმდებარე ტერიტორიაზე მდებარე სსიპ ფინანსთა სამინისტროს მომსახურების სააგენტოს ობიექტი (მ.შ : ადმინისტრაციული შენობა, მაღაზია).
- ქ. სამტრედია დ. აღმაშენებლის გამზირი მე-6 ჩიხი ადმინისტრაციული შენობა (მ.შ მაღაზია)

2.3.2. პრეტენდენტს უნდა გააჩნდეს მომსახურების განხორციელებისთვის აუცილებელი ტექნიკური შესაძლებლობები (პერსონალი, ინფრასტრუქტურა).

2.3.3. მიმწოდებელმა უნდა უზრუნველყოს მომსახურების განფასება დ.დ.გ-ს გარეშე დანართი №2-ის მიხედვით.

შენიშვნა:

1) პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ს გადამხდელი საქართველოს კანონმდებლობის შესაბამისად. შერჩევა-შეფასება განხორციელდება წარმოდგენილი წინადადების ფასების მიხედვით. შემსყიდველი ორგანიზაცია ხელშეკრულების ღირებულებაში გაითვალისწინებს სატენდერო წინადადების ფასის შესაბამის დღგ-ს ოდენობას, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად.

3) ნაგავრის და ზუსტების შემთხვევაში პრეტენდენტი ვალდებულია ფასის კლება პოზიციებზე განახორციელოს პროპორციულობის პრინციპით.

2.4 ანგარიშსწორების პირობები:

2.4.1. ერთეული და საერთო ფასი გამოსახული უნდა იყოს შესყიდვის ობიექტის მიწოდებასთან დაკავშირებული ყველა ხარჯის გათვალისწინებით დღგ-ს ჩათვლით ან მის გარეშე შესაბამისად იმისა არის თუ არა ხელშეკრულების დადების მომენტისთვის პრეტენდენტი დღგ-ს გადამხდელი საქართველოს კანონმდებლობის მოთხოვნათა შესაბამისად.

2.4.2. ანგარიშსწორება მოხდება უნაღდო ანგარიშსწორებით ლარში, ფაქტიურად მიწოდებული შესყიდვის ობიექტის ღირებულების შესაბამისად.

2.4.3. ანგარიშსწორება მოხდება მიღება-ჩაბარების აქტის გაფორმებიდან არაუგვიანეს 10 სამუშაო დღის განმავლობაში.

2.4.4. წინასწარი გადახდის მექანიზმი არ გამოიყენება.

2.5 დამატებითი მოთხოვნები:

2.5.1. პრეტენდენტის მიერ წარმოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული (ასეთის არსებობის შემთხვევაში) უნდა იყოს ხელმძღვანელის ან მის მიერ უფლებამოსილი პირის მიერ.

2.5.2. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას **ქართულ ენაზე. არაქართულენოვანი დოკუმენტაცია არ განიხილება.**

2.5.3. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.5.4. სხვადასხვა ვალუტაში გამოსახული სატენდერო წინადადებები არ განიხილება.

2.5.6. გამარჯვებულმა პრეტენდენტმა, თუ ხელშეკრულების დადების მომენტისთვის არის დღე-ს გადამხდელი საქართველოს კანონმდებლობის მოთხოვნათა შესაბამისად, უნდა წარმოადგინოს ვაჭრობის შედეგად დაფიქსირებული საბოლოო ფასი დღე-ს ჩათვლით დანართი №2-ის შესაბამისად, რომელიც წარმოადგენს ხელშეკრულების განუყოფელ ნაწილს.

3. დამატებითი ინფორმაცია

დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში

მისამართი: თბილისი, გ. გულუას ქ. №4, სსიპ "საქართველოს ფინანსთა სამინისტროს მომსახურების სააგენტო".

საკონტაქტო პირი: ნინო მეზურნიშვილი

ტელეფონი: (+995 322) 2 601 601 / 420

ხელშეკრულება № — სახელმწიფო შესყიდვის შესახებ

პროექტი

(წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი)

ქ. თბილისი 20--- წლის —
ერთის მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „შემსყიდველი“)
წარმოდგენილი — სახით და

მეორეს მხრივ, — (შემდგომში „მიწოდებელი“) წარმოდგენილი — სახით,

„სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (SPAN#-----) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება გამარტივებულ ელექტრონულ ტენდერში და ახორციელებს მომსახურების მიწოდებას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული შესყიდვის ობიექტი.
- 1.7 „ტექნიკური დავალება“ – სატენდერო დოკუმენტაციის ტექნიკური დავალება, რომელიც ხელშეკრულების განუყოფელი ნაწილია.

2. შესყიდვის ობიექტი

- 2.1. შესყიდვის ობიექტ წარმოადგენს: დასუფთავება და სანიტარული მომსახურების შესყიდვა (შემდგომში მომსახურება). CPVკოდი 90900000.
- 2.2. შესყიდვის ობიექტის დასახელება, დეტალური აღწერა, და პირობები მოცემულია ტექნიკურ დავალებაში, რომელიც ხელშეკრულების განუყოფელი ნაწილია.

3. ხელშეკრულების ღირებულება

- 3.1 ხელშეკრულების ჯამური ღირებულება დღგ-ს გარეშე (ან დღგ-ს ჩათვლით) შეადგენს:
..... ლარს. (სახელშეკრულებო თანხა ციფრობრივად, სიტყვიერად)
- 3.2 გასაწევი მომსახურების ერთეულის ფასი, რაოდენობა და საერთო ღირებულება მოცემულია ხელშეკრულების დანართში, რომელიც ხელშეკრულების განუყოფელი ნაწილია.

4. მომსახურების მიწოდების პირობები და ადგილი

- 4.1 მომსახურების მიწოდება განხორციელდება ----- 2017 წლის 31 დეკემბრის ჩათვლით.
- 4.2 ხელშეკრულებით გათვალისწინებული მომსახურების მიწოდება ხორციელდება :ქ. თბილისში, ქ. ახალციხეში, ქ. სამტრედიისში ტექნიკური დავალების შესაბამისად.

5. მხარეთა უფლება-ვალდებულებები

5.1 შემყიდველს უფლება აქვს :

5.1.1 შეამოწმოს შესყიდვის ობიექტის მახასიათებლების შესაბამისობა ხელშეკრულებით გათვალისწინებულ პირობებთან;

5.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.

5.1.3 მოითხოვოს მიმწოდებელისგან ხელშეკრულების ჯეროვანი, დროული და კეთილსინდისიერი შესრულება.

5.2 შემყიდველი ვალდებულია:

5.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.

5.2.2 დაიცვას ხელშეკრულებით გათვალისწინებული პირობები.

5.3 მიმწოდებელს უფლება აქვს:

5.3.1 მოთხოვოს შემყიდველს მიწოდებული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.

5.4 მიმწოდებელი ვალდებულია:

5.4.1 უზრუნველყოს ხელშეკრულების პირობების შესრულება ტექნიკური დავალების შესაბამისად.

5.4.2 შესყიდვის ობიექტის მიწოდების პროცესში არსებული შეფერხების შესახებ აცნობოს შემყიდველს.

5.4.3 შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში, უზრუნველყოს მისი გამოსწორება დაუყოვნებლივ.

6. ანგარიშსწორება

6.1 ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით მიმწოდებლის მიერ ფაქტობრივად გაწეული მომსახურების ღირებულების შესაბამისად.

6.2 ანგარიშსწორება მიმწოდებელთან განხორციელდება მომსახურების მიღება-ჩაბარების აქტის გაფორმებისა და მიმწოდებლის მიერ ანგარიშფაქტურის (თუ მიმწოდებელი დღგ-ს გადამხდელია) წარდგენის საფუძველზე, შესაბამისი დოკუმენტების სრულად წარდგენიდან არაუგვიანეს 10 სამუშაო დღის ვადაში.

6.3 საქართველოს მოქმედი კანონმდებლობით გათვალისწინებული გადასახადის გადახდაზე პასუხისმგებელია მიმწოდებელი.

7. ხელშეკრულების ინსპექტირება

7.1 შემყიდველი ახორციელებს კონტროლს ხელშეკრულების შესრულების ნებისმიერ ეტაპზე მიმწოდებლის მიერ ნაკისრი ვალდებულებების შესრულებაზე.

7.2 მიმწოდებელმა უნდა უზრუნველყოს შემყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

7.3 ინსპექტირებას ახორციელებენ შემყიდველის თანამშრომლები (შემდგომში ინსპექტირები ჯგუფი).

7.4 ინსპექტირების ჯგუფის ფუნქციებია:

7.4.1 გაუწიოს კონტროლი მომსახურების მიწოდების ვადების ხელშეკრულების მოთხოვნებთან შესაბამისობის დადგენას.

7.4.2 განახორციელოს კონტროლი მიწოდებული მომსახურების ხარისხზე, ტექნიკური დავალებით გათვალისწინებული მოთხოვნების შესაბამისობაზე.

7.4.3 მიღება-ჩაბარების აქტის საფუძველზე უზრუნველყოს მიწოდებული მომსახურების მიღება.

7.5 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. შესყიდვის ობიექტის მიღება-ჩაბარების წესი

8.1 შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული მომსახურების შესაბამისად, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერებით.

8.2 ხელშეკრულების 5.4 პუნქტის შეუსრულებლობის შემთხვევაში შემყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემყიდველის მხრიდან რაიმე დამატებითი ხარჯების გაწევის გარეშე.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორებაც შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გადახდისუნარიობის საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 ხელშეკრულების 9.3 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 დღით ადრე წერილობით აცნობოს ამის შესახებ მეორე მხარეს.

10. მხარეთა პასუხისმგებლობა

10.1 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

10.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოითხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ფორს-მაჟორი

11.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახსნას ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისგან.

12. ხელშეკრულებაში ცვლილებების შეტანა

12.1 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ხელშეკრულების განუყოფელი ნაწილია.

12.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაჭრის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელისმოწერისთანავე და ძალაშია 2018 წლის 31 იანვრის ჩათვლით.

15. დასკვნითი დებულებები

15.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

15.2 ხელშეკრულება შედგენილია ქართულ ენაზე 3 თანაბარი იურიდიული ძალის მქონე ეგზემპლარად და ინახება მხარეებთან – 2 (ორი) ეგზემპლარი შემსყიდველთან, ხოლო 1 (ერთი) მიმწოდებელთან.

16. მხარეთა მისამართები, საბანკო რეკვიზიტები და ხელმოწერები

შემსყიდველი:

სსიპ "საქართველოს ფინანსთა სამინისტროს
მომსახურების სააგენტო"
ქ. თბილისი, გულუას № 4
ტელ: (995 32) 601 601
საიდენტიფიკაციო კოდი: 205081249
ს.ს. "ბაზისბანკი" ბანკის კოდი: 220101956
ა/ა GE02BS0000000007434110

მიმწოდებელი:

აფიდავიტი

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებული იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- * ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მირების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების გამარჯვების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის- სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

სატენდერო წინადადების ფასი , მოქმედების ვადა

(შევსების თარიღი)

სატენდერო დოკუმენტაციით გათვალისწინებული დასუფთავებისა და (პრეტენდენტის დასახელება)

სანიტარული მომსახურების მოწოდებას გათვალისწინებით (თანხა ციფრებით) (თანხა სიტყვიერად) ლარად **დღგ-ს გარეშე.**

N	მომსახურების დასახელება	გასაწევი მომსახურების ყოველთვიური მომსახურება	გასაწევი მომსახურების საერთო ღირებულება	მომსახურების გაწევის ვადა
1	2	3	4	5
1	ქ.თბილისში, გ. გულუას ქ№4-ში მდებარე, სსიპ ფინანსთა სამინისტროს მომსახურების სააგენტოს ადმინისტრაციული შენობის მოვლა-დასუფთავება-დეზინფექცია (სატენდერო დოკუმენტაციის ტექნიკური დავალების შესაბამისად)	_____	_____	მომსახურება ხორციელდება 2017 წლის 31 დეკემბრის ჩათვლით ხელშეკრულების გაფორმებიდან
2	ქ.თბილისში, მუხიანის დასახლებაში მდებარე, სსიპ საქართველოს ფინანსთა სამინისტროს მომსახურების სააგენტოს სასაწყობო მეურნეობის ბაზა №2-ში ადმინისტრაციული შენობის, სავაჭრო ობიექტის, ეზოს მოვლა-დასუფთავება-დეზინფექცია (სატენდერო დოკუმენტაციის ტექნიკური დავალების შესაბამისად)	_____	_____	
3	ქ. ახალციხეში 9 აპრილის ქუჩის მიმდებარე ტერიტორიაზე მდებარე სსიპ საქართველოს ფინანსთა სამინისტროს მომსახურების სააგენტოს ადმინისტრაციული შენობის და სავაჭრო ობიექტის მოვლა-დასუფთავება-დეზინფექცია (სატენდერო დოკუმენტაციის ტექნიკური დავალების შესაბამისად)	_____	_____	
4	ქ. სამტრედიის დ. აღმაშენებლის გამზირი მე-6 ჩიხში მდებარე სსიპ ფინანსთა სამინისტროს მომსახურების სააგენტოს ადმინისტრაციული შენობის მათ შორის სავაჭრო ობიექტის მოვლა-დასუფთავება-დეზინფექცია (სატენდერო დოკუმენტაციის ტექნიკური დავალების შესაბამისად)	_____	_____	

ვეთანხმებით ტექნიკური დოკუმენტაციით გათვალისწინებულ მოთხოვნებს.

ვკისრულობთ ვალდებულებას ტენდერში გამარჯვების შემთხვევაში დასუფთავების და სანიტარული მომსახურება მოგაწოდოთ სატენდერო დოკუმენტაციაში მითითებული ტექნიკური დავალების შესაბამისად.

ჩვენს მიერ გაწეული მომსახურება იქნება მაღალი ხარისხის. ვიღებთ ვალდებულებას საჭიროების შემთხვევაში გავწიოთ საჭირო მომსახურებები (ახალი შესყიდვის ობიექტის მოწოდება), შემსყიდველის მხრიდან რაიმე დამატებითი ხარჯების გაწევის გარეშე.

ამასთანავე გაცნობებთ, რომ ჩვენი სატენდერო წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-2 მუხლის პირველი პუნქტის „ა“, „ბ“ ან „გ“ ქვეპუნქტებით გათვალისწინებული ეტაპის დადგომამდე.

ინფორმაცია დღგ-ს გადამხდელობის შესახებ: გაცნობებთ, რომ

(თანამდებობა, სახელი, გვარი)

(ხელმოწერა) ბ.ა

შენიშვნა: *პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ს გადამხდელი საქართველოს კანონმდებლობის შესაბამისად. შერჩევა-შეფასება განხორციელდება წარმოდგენილი წინადადების ფასების მიხედვით. შემსყიდველი ორგანიზაცია ხელშეკრულების ღირებულებაში გაითვალისწინებს სატენდერო წინადადების ფასის შესაბამის დღგ-ს ოდენობას, თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად.

პრეტენდენტის რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის სახელი და გვარი: _____

პრეტენდენტის იურიდიული ან/და ფაქტიური მისამართი: _____

საიდენტიფიკაციო კოდი: _____

პრეტენდენტის ტელეფონის ნომერი: _____

ელექტრონული ფოსტა: _____

ბანკი, ბანკის კოდი: _____

ანგარიშსწორების ანგარიში: _____

(თანამდებობა, სახელი, გვარი)

(ხელმოწერა)